



Deddf Archwilio Cyhoeddus (Cymru) 2013

2013 dccc 3

RHAN 2 **E+W**

SWYDDFA ARCHWILIO CYMRU A'I
PHERTHYNAS Â'R ARCHWILYDD CYFFREDINOL

PENNOD 1 **E+W**

SWYDDFA ARCHWILIO CYMRU

13 Ymgorffori Swyddfa Archwilio Cymru **E+W**

- (1) Bydd corff corfforaethol o'r enw Swyddfa Archwilio Cymru ("SAC").
- (2) Mae Atodlen 1 yn cynnwys darpariaeth ynglŷn â SAC.

Gwybodaeth Cychwyn

- I1** A. 13 ddim mewn grym ar y Cydsyniad Brenhinol, gweler **a. 35(2)**
- I2** A. 13 mewn grym ar 4.7.2013 at ddibenion penodedig gan **O.S. 2013/1466, ergl. 2(e)**
- I3** A. 13 mewn grym ar 1.4.2014 i'r graddau nad yw eisoes mewn grym gan **O.S. 2013/1466, ergl. 3(1)**

14 Pwerau **E+W**

Caiff SAC wneud unrhyw beth (gan gynnwys caffael neu waredu unrhyw eiddo neu hawliau a derbyn rhoddion ar ffurf arian neu eiddo arall) a fwriedir i hwyluso arfer unrhyw un neu ragor o'i swyddogaethau, neu sy'n ffafriol i'w harfer neu'n gysylltiedig â'i harfer neu â'u harfer.

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda’r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

Gwybodaeth Cychwyn

- I4** A. 14 ddim mewn grym ar y Cydsyniad Brenhinol, gweler **a. 35(2)**
I5 A. 14 mewn grym ar 4.7.2013 gan **O.S. 2013/1466, ergl. 2(f)**

15 Effeithlonrwydd **E+W**

Rhaid i SAC anelu at gyflawni ei swyddogaethau yn effeithlon ac yn gosteffeithiol.

Gwybodaeth Cychwyn

- I6** A. 15 ddim mewn grym ar y Cydsyniad Brenhinol, gweler **a. 35(2)**
I7 A. 15 mewn grym ar 4.7.2013 gan **O.S. 2013/1466, ergl. 2(g)**

PENNOD 2 **E+W**

Y BERTHYNAS RHWNG YR ARCHWILYDD CYFFREDINOL A SAC

Cyffredinol

16 Y berthynas â’r Archwilydd Cyffredinol **E+W**

- (1) Bydd yr Archwilydd Cyffredinol yn brif weithredwr ar SAC (ond nid yn gyflogai iddi).
- (2) Mae Atodlen 2 yn cynnwys darpariaeth bellach ynghylch y berthynas rhwng yr Archwilydd Cyffredinol a SAC.

Gwybodaeth Cychwyn

- I8** A. 16 ddim mewn grym ar y Cydsyniad Brenhinol, gweler **a. 35(2)**
I9 A. 16 mewn grym ar 4.7.2013 gan **O.S. 2013/1466, ergl. 2(h)**

17 SAC i fonitro a darparu cyngor **E+W**

- (1) Rhaid i SAC, yn y modd hwnnw y mae’n ei ystyried yn briodol, fonitro sut y mae’r Archwilydd Cyffredinol yn arfer ei swyddogaethau.
- (2) Caiff SAC ddarparu cyngor i’r Archwilydd Cyffredinol ynghylch arfer ei swyddogaethau.
- (3) Rhaid i’r Archwilydd Cyffredinol roi sylw i unrhyw gyngor a roddir iddo.

Gwybodaeth Cychwyn

- I10** A. 17 ddim mewn grym ar y Cydsyniad Brenhinol, gweler **a. 35(2)**
I11 A. 17(1) mewn grym ar 1.4.2014 gan **O.S. 2013/1466, ergl. 3(1)**
I12 A. 17(2)(3) mewn grym ar 4.7.2013 at ddibenion penodedig gan **O.S. 2013/1466, ergl. 2(i)**

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

I13 [A. 17\(2\)\(3\)](#) mewn grym ar 1.4.2014 i'r graddau nad yw eisoes mewn grym gan [O.S. 2013/1466, ergl. 3\(1\)](#)

18 Dirprwyo swyddogaethau'r Archwilydd Cyffredinol a'u harfer ar y cyd **E+W**

- (1) Caniateir i'r Archwilydd Cyffredinol ddirprwyo unrhyw un neu ragor o swyddogaethau'r swydd honno i—
 - (a) cyflogai i SAC,
 - (b) person sy'n darparu gwasanaethau i SAC, neu
 - (c) cyflogai i SAC a pherson sy'n darparu gwasanaethau i SAC, yn gweithredu ar y cyd.
- (2) Ond dim ond os yw'r cyflogai neu'r person arall wedi ei awdurdodi (neu, yn achos is-adran (1)(c), os yw'r ddau wedi eu hawdurdodi) i arfer swyddogaethau'r Archwilydd Cyffredinol o dan gynllun a baratowyd gan yr Archwilydd Cyffredinol y caniateir i swyddogaeth gael ei dirprwyo.
- (3) Rhaid i gynllun ddisgrifio'r amodau y mae rhaid i ddirprwyaeth o dan is-adran (1) gael ei gwneud yn ddarostyngedig iddynt.
- (4) Ni chaiff cyflogai neu berson arall ei awdurdodi o dan gynllun oni bai bod y cyflogai neu'r person yn cytuno i gydymffurfio â'r cod ymarfer archwilio a ddyroddir o dan adran 10(1).
- (5) Caiff cynllun gynnwys darpariaeth wahanol ar gyfer achosion gwahanol neu ddsbarthau ar achosion gwahanol.
- (6) Caiff yr Archwilydd Cyffredinol ddiwygio cynllun ar unrhyw adeg.
- (7) Wrth baratoi neu ddiwygio cynllun rhaid i'r Archwilydd Cyffredinol ymgynghori â SAC.
- (8) Os yw cynllun yn gwneud darpariaeth i'r perwyl hwnnw, caniateir i unrhyw un neu ragor o swyddogaethau'r Archwilydd Cyffredinol gael ei harfer neu eu harfer ar y cyd gan—
 - (a) yr Archwilydd Cyffredinol a chyflogai i SAC,
 - (b) yr Archwilydd Cyffredinol a pherson sy'n darparu gwasanaethau i SAC, neu
 - (c) yr Archwilydd Cyffredinol, cyflogai i SAC a pherson sy'n darparu gwasanaethau i SAC.
- (9) Nid yw dirprwyaeth yn gwahardd yr Archwilydd Cyffredinol rhag gwneud unrhyw beth yn bersonol.
- (10) Nid yw darpariaeth a wneir o dan is-adran (1) ar gyfer dirprwyo swyddogaeth, neu o dan is-adran (8) ar gyfer arfer swyddogaeth ar y cyd, yn effeithio ar gyfrifoldeb yr Archwilydd Cyffredinol am y swyddogaeth honno.
- (11) Ni chaniateir dirprwyo swyddogaeth paratoi cynllun o dan yr adran hon.

Gwybodaeth Cychwyn

I14 [A. 18](#) ddim mewn grym ar y Cydsyniad Brenhinol, gweler [a. 35\(2\)](#)

I15 [A. 18](#) mewn grym ar 4.7.2013 at ddibenion penodedig gan [O.S. 2013/1466, ergl. 2\(j\)](#)

I16 [A. 18](#) mewn grym ar 1.4.2014 i'r graddau nad yw eisoes mewn grym gan [O.S. 2013/1466, ergl. 3\(1\)](#)

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

Darparu gwasanaethau

19 Darparu gwasanaethau **E+W**

- (1) Caniateir i drefniadau gael eu gwneud rhwng SAC ac awdurdod perthnasol ar gyfer y canlynol—
 - (a) bod unrhyw un neu ragor o swyddogaethau'r awdurdod i gael ei harfer neu eu harfer gan SAC neu gan gyflogai i SAC;
 - (b) bod unrhyw un neu ragor o swyddogaethau'r awdurdod i gael ei harfer neu eu harfer gan yr Archwilydd Cyffredinol;
 - (c) bod gwasanaethau technegol, proffesiynol neu weinyddol yn cael eu darparu—
 - (i) gan SAC i'r awdurdod, neu at ddibenion yr awdurdod,
 - (ii) gan yr awdurdod neu ar ei ran, i SAC, neu
 - (iii) gan yr awdurdod neu ar ei ran i'r Archwilydd Cyffredinol;
 - (d) bod gwasanaethau gweinyddol, proffesiynol neu dechnegol yn cael eu darparu gan yr Archwilydd Cyffredinol i'r awdurdod neu at ddibenion yr awdurdod.
- (2) Ond rhaid i SAC ymgynghori â'r Archwilydd Cyffredinol cyn ymrwymo i drefniadau o'r math a grybwyllir yn is-adran (1)(b), (c)(iii) neu (d).
- (3) Nid yw unrhyw drefniadau o dan is-adran (1)(a) neu (b) ar gyfer arfer swyddogaeth awdurdod perthnasol yn effeithio ar gyfrifoldeb yr awdurdod perthnasol am y swyddogaeth honno.
- (4) Os bodlonir yr amod yn is-adran (5), caiff SAC ac awdurdod perthnasol, archwilydd cymwysedig neu gorff cyfrifyddu wneud y canlynol—
 - (a) trefniadau i gydweithredu â'i gilydd a rhoi cymorth i'w gilydd, neu
 - (b) trefniadau i'r awdurdod, yr archwilydd neu'r corff a'r Archwilydd Cyffredinol gydweithredu â'i gilydd a rhoi cymorth i'w gilydd.
- (5) Dyma'r amod—
 - (a) bod SAC yn ystyried y byddai gwneud hynny yn hwyluso arfer swyddogaethau'r Archwilydd Cyffredinol neu SAC, neu y byddai'n ffafriol i'w harfer, a
 - (b) bod yr awdurdod perthnasol, yr archwilydd cymwysedig neu'r corff cyfrifyddu dan sylw yn ystyried y byddai gwneud hynny yn hwyluso arfer swyddogaethau'r awdurdod, y person neu'r corff hwnnw, neu y byddai'n ffafriol i'w harfer.
- (6) Ond rhaid i SAC ymgynghori â'r Archwilydd Cyffredinol cyn ymrwymo i drefniadau o'r math a grybwyllir yn is-adran (4)(b).
- (7) Caiff SAC wneud trefniadau o dan yr adran hon ar y telerau, gan gynnwys telerau ynghylch tâl, sy'n briodol ym marn SAC.
- (8) Ond rhaid i amodau ynghylch tâl i SAC gael eu gwneud yn unol â chynllun ar gyfer codi ffioedd a baratoir o dan adran 24.
- (9) Yn yr adran hon—

ystyr “corff cyfrifyddu” yw corff sydd—

 - (a) yn gorff goruchwyllo cydnabyddedig at ddibenion Rhan 42 o Ddeddf Cwmnïau 2006, neu

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (b) yn gorff cyfrifwyr Ewropeaidd cymeradwy; ystyr “archwilydd cymwysedig” yw person sydd—
- (a) yn gymwys i gael ei benodi yn archwilydd statudol o dan Ran 42 o Ddeddf Cwmnïau 2006, neu
- (b) yn aelod o gorff cyfrifwyr Ewropeaidd cymeradwy; ystyr “corff cyfrifwyr Ewropeaidd cymeradwy” yw corff o gyfrifwyr sydd—
- (a) yn sefydledig yn y Deyrnas Unedig neu Wladwriaeth AEE arall, a
- (b) am y tro wedi ei gymeradwyo gan Weinidogion Cymru drwy orchymyn; ystyr “awdurdod perthnasol” yw unrhyw un o Weinidogion y Goron neu adran o’r llywodraeth, unrhyw awdurdod cyhoeddus (gan gynnwys unrhyw awdurdod lleol) neu ddeiliad unrhyw swydd gyhoeddus.

Gwybodaeth Cychwyn

I17 A. 19 ddim mewn grym ar y Cydsyniad Brenhinol, gweler **a. 35(2)**

I18 A. 19 mewn grym ar 1.4.2014 gan **O.S. 2013/1466, ergl. 3(1)**

Incwm a gwariant

20 Gwariant **E+W**

- (1) Am bob blwyddyn ariannol rhaid i’r Archwilydd Cyffredinol a SAC wneud y canlynol ar y cyd—
 - (a) darparu amcangyfrif o incwm a gwariant SAC, a
 - (b) gosod yr amcangyfrif gerbron y Cynulliad Cenedlaethol.
- (2) Rhaid i bob amcangyfrif ymdrin (ymhlith pethau eraill) â’r adnoddau sy’n ofynnol at ddibenion adran 21 (adnoddau i’r Archwilydd Cyffredinol).
- (3) Rhaid i bob amcangyfrif gael ei osod gerbron y Cynulliad Cenedlaethol o leiaf bum mis cyn dechrau’r flwyddyn ariannol y mae’n ymdrin â hi.
- (4) Caiff y Cynulliad Cenedlaethol wneud unrhyw newid i’r amcangyfrif y mae’n ei ystyried yn briodol (yn ddarostyngedig i is-adran (5)).
- (5) Ni chaniateir gwneud newid o dan is-adran (4) heb—
 - (a) ymgynghori â SAC a’r Archwilydd Cyffredinol, a
 - (b) rhoi sylw i unrhyw sylwadau a wneir gan y naill neu’r llall.

Gwybodaeth Cychwyn

I19 A. 20 ddim mewn grym ar y Cydsyniad Brenhinol, gweler **a. 35(2)**

I20 A. 20 mewn grym ar 4.7.2013 gan **O.S. 2013/1466, ergl. 2(k)**

I21 A. 20 mewn grym ar 1.4.2014 i’r graddau nad yw eisoes mewn grym gan **O.S. 2013/1466, rheoliad. 3(1)**

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda’r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

21 Darparu adnoddau ar gyfer swyddogaethau’r Archwilydd Cyffredinol **E+W**

- (1) Rhaid i SAC ddarparu adnoddau ar gyfer arfer swyddogaethau’r Archwilydd Cyffredinol, fel sy’n ofynnol gan yr Archwilydd Cyffredinol.
- (2) Yn benodol, mae SAC yn gyfrifol am—
 - (a) cyflogi staff i gynorthwyo arfer y swyddogaethau hynny;
 - (b) sicrhau gwasanaethau gan unrhyw berson at ddibenion y swyddogaethau hynny;
 - (c) dal eiddo at ddibenion y swyddogaethau hynny;
 - (d) dal dogfennau neu wybodaeth a gaffaelwyd neu a gynhyrchwyd yn ystod arfer y swyddogaethau, neu fel arall at ddibenion y swyddogaethau hynny (gweler paragraff 4(2) o Atodlen 2);
 - (e) cadw cofnodion mewn perthynas â’r swyddogaethau hynny.

Gwybodaeth Cychwyn

- I22** A. 21 ddim mewn grym ar y Cydsyniad Brenhinol, gweler **a. 35(2)**
I23 A. 21 mewn grym ar 1.4.2014 gan O.S. 2013/1466, **ergl. 3(1)**

22 Benthg **E+W**

Caiff SAC fenthg symiau mewn sterling (ar ffurf gorddrafft neu fel arall) i’w cymhwyso at y diben o gyfarfod gorwariant dros dro dros symiau sydd ar gael i’w gyfarfod fel arall.

Gwybodaeth Cychwyn

- I24** A. 22 ddim mewn grym ar y Cydsyniad Brenhinol, gweler **a. 35(2)**
I25 A. 22 mewn grym ar 1.4.2014 gan O.S. 2013/1466, **ergl. 3(1)**

Ffioedd

23 Darpariaeth gyffredinol yn ymwneud â ffioedd **E+W**

- (1) Rhaid talu ffioedd a symiau eraill y mae’r Archwilydd Cyffredinol yn eu cael, i SAC.
- (2) Caiff SAC godi ffi mewn perthynas ag archwilio cyfrifon neu ddatganiad o gyfrifon person gan yr Archwilydd Cyffredinol.
- (3) Caiff SAC godi ffi mewn perthynas â’r canlynol—
 - (a) ymchwiliad, ardystiad neu adroddiad o dan baragraff 18(3) o Atodlen 8 i Ddeddf Llywodraeth Cymru 2006 (ymchwiliadau penodol i ddarbodaeth etc person wrth ddefnyddio adnoddau);
 - (b) ymchwiliad a gynhelir ar gais person o dan adran 145 o Ddeddf Llywodraeth Cymru 1998 (ymchwiliadau i ddefnydd o adnoddau) neu astudiaeth a wneir ar gais person o dan adran 145A o’r Ddeddf honno (astudiaethau ar gyfer gwella darbodaeth etc mewn gwasanaethau);

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- [^{F1}(ba) ymchwiliad, ardystiad neu adroddiad o dan adran 31 o Ddeddf Casglu a Rheoli Trethi (Cymru) 2016 mewn cysylltiad â Datganiad Treth Awdurdod Cyllid Cymru;]
- (c) ymchwiliad neu astudiaeth a gynhelir neu a wneir gan yr Archwilydd Cyffredinol ar gais person o dan adran 46(4) o Ddeddf yr Amgylchedd 1995;
- [^{F2}(ca) ymchwiliad o dan adran 15 o [Ddeddf Llesiant Cenedlaethau'r Dyfodol \(Cymru\) 2015 \(dccc 2\)](#) (ymchwiliadau o gyrff cyhoeddus at ddibenion asesu i ba raddau y mae corff wedi gweithredu yn unol â'r egwyddor datblygu cynaliadwy);]
- (d) unrhyw wasanaeth sy'n cael ei ddarparu neu swyddogaethau sy'n cael eu harfer o dan adran 19.
- (4) Rhaid i SAC godi ffi mewn perthynas â'r canlynol—
- (a) darparu gwasanaethau i gorff o dan baragraff 20 o Atodlen 8 i Ddeddf Llywodraeth Cymru 2006 (ardystio hawliadau, ffurflenni etc ar gais corff);
- (b) astudiaeth ar gais corff addysgol o dan adran 145B o Ddeddf Llywodraeth Cymru 1998.
- (5) O ran ffioedd a godir o dan yr adran hon—
- (a) ni chaniateir iddynt gael eu codi ond yn unol â chynllun a baratoir gan SAC o dan adran 24;
- (b) ni chaiff y ffi fod yn fwy na chost lawn arfer y swyddogaeth y mae'r ffi'n ymwneud â hi;
- (c) maent yn daladwy i SAC gan y person y mae'r swyddogaeth a arferir yn ymwneud ag ef.

Diwygiadau Testunol

- F1** [A. 23\(3\)\(ba\)](#) wedi ei fewnosod (1.4.2018) gan [Deddf Casglu a Rheoli Trethi \(Cymru\) 2016 \(anaw 6\)](#), [aa. 36](#), 194(2); O.S. 2018/33, [ergl. 3](#)
- F2** [A. 23\(3\)\(ca\)](#) wedi ei fewnosod (1.4.2016) gan [Deddf Llesiant Cenedlaethau'r Dyfodol \(Cymru\) 2015 \(anaw 2\)](#), a. 56(2), [Atod. 4 para. 32](#); O.S. 2016/86, [ergl. 3](#)

Gwybodaeth Cychwyn

- I26** [A. 23](#) ddim mewn grym ar y Cydsyniad Brenhinol, gweler [a. 35\(2\)](#)
- I27** [A. 23](#) mewn grym ar 1.4.2014 gan [O.S. 2013/1466](#), [ergl. 3\(1\)](#)

24 Cynllun ar gyfer codi ffioedd **E+W**

- (1) Rhaid i SAC baratoi cynllun sy'n ymwneud â chodi ffioedd gan SAC.
- (2) Rhaid i'r cynllun gynnwys y canlynol—
- (a) rhestr o'r deddfiadau y caiff SAC godi ffi odanynt;
- (b) pan fo'r deddfiadau hynny yn gwneud darpariaeth i SAC ragnodi graddfa neu raddfeydd ffioedd, y raddfa honno neu'r graddfeydd hynny;
- (c) pan fo'r deddfiadau hynny yn gwneud darpariaeth i SAC ragnodi swm i'w godi, y swm hwnnw;
- (d) pan nad oes darpariaeth wedi ei gwneud ar gyfer rhagnodi graddfa neu raddfeydd ffioedd, na rhagnodi swm, y modd y bydd SAC yn cyfrifo'r ffi a godir.

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda’r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (3) Caiff y cynllun wneud y canlynol ymysg pethau eraill—
- (a) cynnwys darpariaeth wahanol ar gyfer achosion gwahanol neu ddosbarthau ar achosion gwahanol, a
 - (b) darparu ar gyfer yr adegau a’r modd y bydd taliadau yn cael eu gwneud.
- (4) O ran y cynllun—
- (a) rhaid i SAC ei adolygu o leiaf unwaith mewn blwyddyn galendr,
 - (b) caiff SAC ei ddiwygio neu ei ail-wneud ar unrhyw adeg, ac
 - (c) rhaid i SAC ei osod (a gosod unrhyw ddiwygiad iddo) gerbron y Cynulliad Cenedlaethol.
- (5) Pan fo Gweinidogion Cymru yn rhagnodi graddfa neu raddfeydd ffioedd o dan—
- (a) adran 64F o Ddeddf Archwilio Cyhoeddus (Cymru) 2004 (ffioedd am baru data), neu
 - (b) adran 27A o Fesur Llywodraeth Leol (Cymru) 2009 (pŵer Gweinidogion Cymru i ragnodi graddfa ffioedd),
- i gael effaith yn lle graddfa neu raddfeydd ffioedd a ragnodwyd gan SAC, rhaid i SAC ddiwygio’r cynllun i gynnwys y raddfa neu’r graddfeydd ffioedd a ragnodwyd gan Weinidogion Cymru yn lle’r rhai a ragnodwyd gan SAC.
- (6) Nid oes rhaid cael cymeradwyaeth y Cynulliad Cenedlaethol os mai diwygiad a wneir yn unol ag is-adran (5) yw’r unig ddiwygiad i gynllun.
- (7) Bydd y cynllun yn cael effaith pan fydd wedi cael ei gymeradwyo gan y Cynulliad Cenedlaethol neu, yn achos diwygiad a wneir yn unol ag is-adran (5), unwaith y bydd wedi cael ei osod gerbron y Cynulliad.
- (8) Rhaid i SAC gyhoeddi’r cynllun (ac unrhyw ddiwygiad iddo) cyn gynted ag y bo’n rhesymol ymarferol wedi iddo gael effaith.

Gwybodaeth Cychwyn

I28 A. 24 ddim mewn grym ar y Cydsyniad Brenhinol, gweler **a. 35(2)**

I29 A. 24 mewn grym ar 4.7.2013 gan O.S. 2013/1466, **ergl. 2(I)**

Cynllun blynyddol

25 Cynllun blynyddol **E+W**

- (1) Cyn dechrau pob blwyddyn ariannol rhaid i’r Archwilydd Cyffredinol a SAC baratoi cynllun blynyddol ar y cyd ar gyfer y flwyddyn honno.
- (2) Rhaid i’r cynllun blynyddol nodi’r canlynol—
 - (a) rhaglen waith yr Archwilydd Cyffredinol;
 - (b) rhaglen waith SAC;
 - (c) yr adnoddau sydd ar gael, ac a all ddod ar gael, i SAC;
 - (d) sut y mae’r adnoddau i gael eu defnyddio er mwyn ymgymryd â rhaglen yr Archwilydd Cyffredinol;
 - (e) sut y mae’r adnoddau i gael eu defnyddio er mwyn ymgymryd â rhaglen SAC;

Newidiadau i ddeddfwriaeth: Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau. (See end of Document for details) View outstanding changes

- (f) yr uchafswm, allan o'r o adnoddau sydd ar gael, ac a all ddod ar gael, y rhagwelir y bydd SAC yn dyrannu i'r Archwilydd Cyffredinol at y diben o ymgymryd â rhaglen yr Archwilydd Cyffredinol.

(3) Yn y Bennod hon—

ystyr “rhaglen waith yr Archwilydd Cyffredinol” yw blaenoriaethau'r Archwilydd Cyffredinol ar gyfer blwyddyn ariannol wrth arfer ei swyddogaethau;

ystyr “rhaglen waith SAC” yw blaenoriaethau SAC ar gyfer blwyddyn ariannol wrth arfer ei swyddogaethau o dan y Ddeddf hon.

Gwybodaeth Cychwyn

I30 A. 25 ddim mewn grym ar y Cydsyniad Brenhinol, gweler **a. 35(2)**

I31 A. 25 mewn grym ar 4.7.2013 gan **O.S. 2013/1466, ergl. 2(m)**

26 Cynllun blynyddol: y Cynulliad Cenedlaethol **E+W**

Rhaid i'r Archwilydd Cyffredinol a'r person sy'n gadeirydd SAC osod y cynllun blynyddol gerbron y Cynulliad Cenedlaethol.

Gwybodaeth Cychwyn

I32 A. 26 ddim mewn grym ar y Cydsyniad Brenhinol, gweler **a. 35(2)**

I33 A. 26 mewn grym ar 4.7.2013 gan **O.S. 2013/1466, ergl. 2(n)**

27 Cynllun blynyddol: effaith **E+W**

Nid yw'r Archwilydd Cyffredinol a SAC i gael eu rhwymo gan y cynllun blynyddol, ond rhaid iddynt roi sylw iddo wrth arfer eu swyddogaethau, gan gynnwys wrth arfer swyddogaethau mewn perthynas â darparu adnoddau i'r Archwilydd Cyffredinol gan SAC o dan adran 21 (ond nid yn gyfyngedig i hynny).

Gwybodaeth Cychwyn

I34 A. 27 ddim mewn grym ar y Cydsyniad Brenhinol, gweler **a. 35(2)**

I35 A. 27 mewn grym ar 4.7.2013 gan **O.S. 2013/1466, ergl. 2(o)**

Newidiadau i ddeddfwriaeth:

Deddf Archwilio Cyhoeddus (Cymru) 2013, RHAN 2 yn gyfredol gyda'r holl newidiadau y gwyddys eu bod mewn grym ar neu cyn 18 Awst 2024. Mae newidiadau a all gael eu dwyn i rym yn y dyfodol. Mae newidiadau a wnaed yn ymddangos yn y cynnwys a chyfeirir atynt trwy anodiadau.

[View outstanding changes](#)

Changes and effects yet to be applied to the whole Act associated Parts and Chapters:

Whole provisions yet to be inserted into this Act (including any effects on those provisions):

- s. 51(3)-(5) inserted by [2024 asc 4 s. 5\(b\)](#)